

合江縣志卷三十

錢法志

上古用帛幣金刀龜貝自太公立九府圜法而錢制始行然歷代相沿輕重不齊通塞亦異漢及唐初猶爲近古其後乃有飛券鈔引交子會子之說紛紛無當所以唐張台封演有錢譜陶岳有貨泉錄宋洪遵有泉考馬端臨有錢幣考所論俱各不同蜀在禹時已貢銀鏤至漢文帝賜鄧通銅山始鑄銅錢於蜀後公孫述據蜀廢銅錢鑄鐵錢其時

合江縣志

卷之三十一

錢法

三

貨幣不行至漢昭烈帝鑄大錢以一值百民皆稱便隋唐時蜀中多鑄銅錢至唐末以開元通寶爲式文字輕重悉如之孟氏復鑄鐵錢宋初揀銅錢供上鐵錢只行於蜀太平興國四年勅令兩稅諸課利十分中取銅錢一分明初錢鈔兼行金銀之物貴賤有差蜀人只用苧銀米布貿易而錢鈔不行萬曆五年疏通錢法開局鼓鑄照地方繁簡衝僻給發至崇禎時有用鴛眼錢每百僅值三四分我

朝自底定金川一切經費多從外省協濟隨卽開局  
鼓鑄裕

國便民百餘年來蜀中商賈雲集交易流通所用俱  
從寶川局給散遠近咸歸畫一現在合江境內不  
用苗銀計紋銀每兩值制錢一千彼此相稱有便  
於民而錢法善矣